



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput VIII. Idem (a) Præposito, & Canonicis Faventinis.

[urn:nbn:de:hbz:466:1-74526](#)

p. 5. tract. 3. resol. 110. Barbola de jure Eccles.
lib. 1. cap. 43. num. 89. Chopinus lib. 2. monastic.
tit. 3. num. final.

7. Sed superiori assertioni obstat textus in cap.
unaqueque 13. quæst. 2. in illis verbis: Una-
quaque mulier sequatur virum suum, sive in vita,
sive in morte. Ex quibus expressè deducitur uxo-
rem sepeliendam esse necessariò in sepulchro ma-
riti: siquidem docet D. Augustinus in vita, & in
morte uxorem sequi debere maritum suum. Glos-
sa ibi, verbo in morte, accipit textum illum de
consilio, ita ut mulier debeat sepeliri in sepul-
chro viri sui, juxta antiquorum facta, & exempla;
siquidem ut supra retuli de Hebreis, sem-
per uxores cum viris suis sepeliebantur: quod &
apud Gentiles usitatum fuisse, constat ex traditi-
onis ab Strabone lib. 15. Valerio Maximo lib. 2.
cap. 1. Philone Iudeo in lib. de Abraham, Eusebio
de preparati. Evangel. lib. 6. & apud Indos con-
fuetudo est, ut vidua viva simul cum marito in
rogum iniciatur; & cum plures uxores sunt, in
certamen veniunt, & que viuæ evadit, lata
cum viro in rogum mittitur. Propertius lib. 3.
eleg. 13.

Felix Eois lex funeris una maritis,
Quos aurora suis rubra colorat equis.

Namque mortifero iacta est fax ultima
lecto,

Uxorum fuis stat piat turba comis.

Et certamen habent lethi, que viva sequatur
Conjugium, pudor est non licuisse mori.
Ardent viuæ, & flamma peltora præbent,
Imponuntque suis ora perusta viris.

Illustrat Joan. Andreas quæst. 10. de sepulturis.
De Thracibus idem refert Bernegerus quæst. 141.
ad Tacitum. Verum etiæ solutio fusinari pos-
sit, non incongruè dici potest, D. Augustinum
accipiendum esse eo casu, in quo uxor sepultu-
ra non electa decepsit; nam tunc æquum est, ut
in sepulchro viri sui sepeliantur; & si plures ma-
ritos habuit, in sepulchro ultimi, cuius domi-
ciliū, & honorem retinet, est tumulanda,
cap. is qui, §. mulier, hoc tit. in 6. docent Didacus
Perez in l. 1. titul. 3. libro 1. ordin. Gamma de-
cision. 105. Jul. Lauorus dicit. cap. 11. num. 134.
quomodo etiam accipiendum est textus in cap.
Ebron. in fine 13. quæst. 2. in illis verbis: Quos
conjunxit unum conjugium, conjungat unum sepul-
chrum, quia una caro sunt; & quos Deus conju-
xit, homo non separat. Si vero mulier electa se-
pulturæ decadat, tunc ejus ultima voluntas ad-
implenda est; quo casu procedit præsens texus.

§.

UTrum autem pater, quod magis voluerit, minores filios valeat sepelire, non in-
venimus à Sanctis Patribus diffinitum, & propterea terræ consuetudini decerni-
mus relinquendum.

COMMENTARIUM.

8. Cum sepultura electio sit pars ultimæ voluntati, ut colligitur ex cap. placuit 7. 13. quæst. 2. &
docent Medicis de sepulturis quæst. 8. n. 2. Narbona
de auctore ad actus humanos, anno 14. quæst. 47. inde
provenit, quod sicut quicunque testamentum facit, debet
esse pubes, l. quæ auctate 5. ff. qui testamenta; ita &
qui sepulturam eligere vult, cap. licet, de sepulturis
in 6. docent plures congesti à Narbona dicit.
quæst. 47. Barboli lib. 2. juris Eccles. cap. 10. num.
19. & lib. 1. de officio Parochi; cap. 26. num. 19. Dia-
na 5. p. tract. 3. resol. 107. & 108. Murga tom. 1. tract.
4. disquisit. 8. §. 11. Nec intereft, an talis pubes sit
in potestate patris, vel extra; quia quoad sepul-
tura electionem non attenditur patria potestas.
Tum quia confertur hæc dispositio in tempus, in
quo filius solitus est à patria potestate, ut de uxo-

re proximè dicebamus. Tum quia quoad spiritua-
lia patria potestas non inspicitur, cap. final. de ju-
dicis, lib. 6. Si autem filius pubes decedat non
electa sepultura, & majorum sepulchri non sint,
debet sepeliri in propria parochia, cap. is qui, hoc
tit. in 6. Quarunt tamen Doctores, si pater, & avus
sepulti sint in una Ecclesia, alii vero majores in
alia, ubi sepeliendus sit filius? Et doctæ probat
Oswaldus consil. 25. quem transcribit Jul. Lauorus
dicit. tit. 2. cap. 11. n. 114. in sepulchro patris esse
sepeliendum; si autem filius habeat patrem, &
matrem diversa sepulchra habentes, filius sepelitur
in sepulchro matris; cuius conditionem, non vero
patris sequitur, cap. final. de filiis presbyt. cap. licet,
de coniug. lepros. quæ omnia procedunt, nisi alter
confuetudine introductum sit, videlicet ut pa-
ter pro filio sepulturam eligat, ut in praefenti
§. docetur.

C A P U T VIII.

Idem (a) Preposito, & Canonicis Facientinisi.

Cum super quodam capitulo, quod religionis (b) favore, &c. Inde siquidem est,
quod præsentium auctoritate statuimus, ut si aliquem parochianorum vestrorum
alibi contigerit eligere sepulturam, secundum statuta Beati Gregorii, quarta vobis in
testamentis portio reservetur.

N O T A E.

(a) **P**roposito.] Textus iste in hac sexta collectione, & in 1. sub hoc tit. cap. 8. tribuitur Lucio III. sed malè, cum ejus auctor sit Urbanus III. qui post Lucium Ecclesiam rexit ex anno 1185. usque ad annum 1187. quod faciliter suaderetur ex eo, quod post Concilium Lateran. p. ult. cap. 64. praefens textus referuntur sub hac inscriptione, *Idem*, cùm textus præcedens si Urbani III. Expressius id probatur ex cap. certificari, sequenti: ubi dum Clemens III. assertit, portionem canonicanam aliquando tertiam, aliquando quartam fuisse taxatam, respiciens ad hunc textum ait, Urbanum quartam partem esse assertuisse; unde deducit Innocentius Cironius in parar. ad hunc titulum, auctorem hujus textus esse Urbanum III. De canonicis autem, & Ecclesia Faventina nonnulla adduxi in cap. 11. de renunc.

(b) **R**eligionis favore.] Alexander enim III. anno 1168. monasterium Sancte Reparatae, Ordinis Vallis Umbrosae, civitatis Faventiae, sub protectione Sedis Apostolicae recepit, & inter alia privilegia quæ illi concessit, & refert Ughellius tom. 1. Italia, fol. 521. circa sepulturam à monachis concedendam ita cavit: *Sepulturam quoque ipsius loci liberam esse concedimus, ut eorum devotioni, & extrema voluntati, qui se illic sepelire deliberaverint, nisi excommunicati, vel interdicti sint, nullus obijicit, salva iustitia matris Ecclesie.* Unde credo, Urbanum in presenti agere de prædictis monachis Sancte Reparatae, & de privilegio religionis favore illis concessis ab Alexandro III.

COMMENTARIUM.

Conclu-
sio proba-
tur.

Communiter ex hoc textu sequens deducitur assertio: *Si parochianus extra propriam Ecclesiam eligat sepulturam, debetur, portio quarta propria parochia de relictis Ecclesie ubi sepelitur.* Probat eam textus in cap. 1. & 2. cap. certificari, cap. in nostra, hoc tit. cap. de quarta, de prescriptione, cap. officii, cap. requisiti, cap. final. de testam. cap. ex parte 15. de V. S. cap. cùm quis, hoc tit. in 6. Clement. dudum, §. verum, hoc titul. extravag. inter cunctas, de privilegiis, inter communes extravag. 1. §. 4. de sepelitur. Concil. Ænaheymense Angliae, temporibus Joannis Pap. XVII. & Henrici secundi celebratum, can. 14. ibi: *Et si corpus aliquod extra suam parochiam quis posuerit, soluat nihilominus pecuniam (quod symbolum anime dicitur) illi Ecclesie, cui corpus famulabatur vivens. & omnia, quæ Dei sunt, vel ad ipsum pertinent, accuratiū, uti par est, pacem habeant.* Trident. sess. 25. de reform. cap. 13. Illustrant Petrus de Ubaldis in tract. de quaer. Jul. Lavoris tit. 2. Lucubr. cap. 17. plures congettati à Barthola in presenti, & de offic. Parochi 3. p. cap. 25. & lib. 3. juris Eccles. cap. 24. Battlius de matrim. lib. 5. cap. 13. Petrus Gregorius lib. 1. partit. titul. 15. cap. 4. & in cap. conguerente, cap. 16. num. 5. Gutierrez lib. 7. de juram. cap. 4. num. 1. Tondutus rej. canon. cap. 105. Vigil. in method. jur. can. fol. 45. Trullensis de offic. Paroc. cap. 13. Lemaitre de iuribus Episcoporum lib. 2. capite final. Solozanus de jure Indian. libro 3. cap. 22. Sed tradita assertio non leves patitur dubi-

tandi rationes. Prima enim insurgit adversus eam dictiōnē, *quartam*, junctis illis verbis, *sui judicij*; in quibus probari videtur, quartam parochiale deducendam esse ex omnibus rebus relictis judicio testatoris; nam patribus familiis à jure plenissima libertas concessa est disponendi de rebus suis, quo modo, & inter quos velint, quartā tantum Falcidiā herediti referatā, l. 1. ff. ad leg. Falcid. l. verbis legis, ff. de V. S. ergo non debet contra ejus voluntatem alia quarta prestari parocho ex rebus relictis judicio ejus. Augetur primò hæc difficultas, nam si præfentem dictiōnē accipiamus tantum de legatis piis relictis pro anima testatoris, in maiorem incidimus difficultatem; nam legata pia, & pietatis causā relicta, nullam patiuntur diminutionem, nec quidem legis Falcidiæ, Novell. 13. Justin. cap. 12. ubi Ritherusius, & Baldinus, Tiraquel. de privil. pia cause. cap. 22. Antonius Gomez lib. 2. var. cap. 4. num. 17. Molina de *Injustitia tract.* 2. disput. 213. Ergo si Falcidia non habet locum in legatis relictis pietatis causā, multò minus alia quarta deduci poterit. Augetur secundo hæc difficultas ex eo, nam si aliqua quarta funeralis deducenda est ex legatis piis à defuncto relictis, non à Parocho, sed potius ab Episcopo deduci debet, juxta textus in cap. conguerente de offic. ordin. cap. de quarta, de prescript. cap. placuit, cum sequent. 10. quæst. 3. cap. requisiti, de testam. ubi Covar. cap. quoniam; de decimis, cap. olim, de censibus; vel potius Ecclesie, ubi majorum sepulchra erant, præstari debebat, cùm in ea tumulandus esset defunctus, juxta tradita supra in cap. 1. & ita illi quodammodo irrigatur iuris, Clement. 2. hoc tit. Ergo non recte in presenti docetur, parocho quartam deberi. Augetur tandem hæc difficultas ex eo, quia si certa portio bonorum ex quolibet defuncto parocho præstetur, suscitabitur avaritia Gentilium, qui defunctis vœtigial imponebant, l. final. Cod. de religiosis, Xiphilinus in *Nerone*, observavit Cujacius lib. 11. obser. cap. 21. ne ergo cum Gentilibus in hac parte conveniamus, dicendum est, funeris occasione nihil pretio estimabile Parocho præstandum esse.

Quæ dubitandi ratione ita fulcitat minime obstante, vera est præfens assertio, pro cuius extensione sciendum est, canonicanum portionem esse certam quantitatem, quæ Episcopo, vel Parocho ratione funeris præstatur; que ita appellatur, quia à sacris canonibus inducta est, ex rationibus infra adducendis. De canonica portione parocho debita ex legatis, & aliis obventionibus ratione funeris, Ecclesiæ illi, in qua defunctus sepelitur, agendum est (nam de canonica portione Episcopo debita jam egi in cap. finali, de testam.) Et ut clarius procedamus, in gillatum examinandum est, quota portio ex prædictis obventionibus deducatur; cui, & à quibus, & ex quibus rebus præstetur. Quoad primam partem hac portio pro distinctione temporum, & locorum varietate diversa fuit, Leo III. in cap. 1. hoc titul. tertiam partem esse decrevit ipse Pontifex quasi mutato confilio in cap. 2. hoc titulo, dimidiam partem præstari justit. Urbanus III. in presenti quartam partem deducendam esse statuit, cuius intentio approbata fuit in Clement. dudum, hoc titulo. Innocentius III. infra, in cap. in nostra, tertiam partem parocho

cho assignavit: & quia haec portio taxata est
lege positivâ, ideo contraria consuetudine intro-
duci potest, ut major, seu minor portio paro-
cho praefetur, cap. certificari, hoc tit. cap. anti-
quos 19. quæst. 1. immo & in totum tolli, si con-
suetudo legitimè præscripta sit, ut docent La-
vorus, Barbola, & Trullench. ubi suprà. Igi-
tur in hac parte consuetudo attendenda est, illi-
que standum; & si Ecclesia propria certa
consuetudo non sit, quod in Metropolitanâ Ecclesia observatur, attendi debet, capite
rua, de sponsa duorum: & si adhuc non appar-
ent, vicinarum Ecclesiârum consuetudo spe-
canda est, cap. super eo, de censibus: & si variae con-
suetudines sint, quarta praefabitur, nisi aliud le-
ge dicæsanâ cautum sit, quod principaliter atten-
didebet.

6. Deinde sciendum est, hanc portionem cano-
nicam deberi Ecclesiæ parochiali, seu Parocho,
à quo defunctus sacramenta recipiebat, & ubi
divina officia audiebat, cap. 1. hoc tit. cap. is
cum quo, eod. tit. in 6. non quia ab ea sepulturam
dimisit, & in alia elegit: sed in compensatio-
nem laboris, quem suffert Parochus in admini-
stratione Sacramentorum; & ideo si quis decel-
lerit à propria parochia animo redeundi, tan-
tum recreationis; vel fructuum colligendorum
causâ, & ibi decedat, quarta Ecclesiæ parochia-
li praefatur, cap. 3. hoc tit. in 6. Basilius de ma-
tric. lib. 5. §. 13. num. 2. Idem procedit si ægrotus
de propria parochia in aliam, velut in domum
conlanguieni, seu amici, sive deferti faciat.
Barbola ubi suprà. Aliquando tamen haec portio
non praefatur Parocho, veluti si Ecclesia paro-
chialis alibi eligat sepulturam, vel si Ecclesia
Cathedralis præscriptione, aut alio modo jus
habet quæcumque retinendi prædictam portionem,
vel quia tempore, quo Ecclesia parochialis
erecta fuit, hoc jus sibi reservavit; in his enim
casibus Parochus non habet jus petendi haec
portionem; illis autem exceptis, potest petere
hanc quartam, vel condicione ex canone, vel
actione ex testamento, ut post Jul. Lavorum
docent Trullench, & Barbola ubi suprà. Dein-
de sciendum est, prædictam canonicaem portionem
deberi ab Ecclesia illa, ubi quis relictâ pro-
priâ parochiâ sepelitur, sive sit regularis, sive
exempta, sive non exempta, Clement. dñnum, §.
verum, hoc titulo. Trident. dñl. cap. 13. Barbola
ubi suprà, num. 10. Trullench. dñl. capite 13.
dñl. 3; que doctrina limitatur, nisi clerici, aut
monachi, apud quos quis sepelitur, præscrip-
tione exempti sint à solutione hujus portionis.
Potest enim haec liberatio præscribi 30. vel 40.
annis cum titulo, vel immemorialis tempore
fineo, ut pluribus relatis docet Barbola ubi
suprà, num. 16. vel si Regulares, ubi sepulta
electa fuit, privilegium habeant non solvendi
dictam portionem; dum tamen in ipso privile-
gio expreßè derogetur, dñl. Clement. dñnum;
alias privilegium nullius est momenti. Simili-
ter si monasteria erecta per 40. annos ante Con-
cilium Tridentinum solvabant eam portionem,
& postea privilegium exemptionis impetrarunt;
tale enim privilegium nullius est momenti, ut
decimus extat in dñl. cap. 13. Concilii Trident.
& variis Rota decisionibus firmat Barbola ubi
suprà, num. 12. & 14. Nec etiam privilegium
concessum uni Religioni, alteri prodest, aut
communicatur, ut docent Barbola num. 9. Trul-

lench. dñl. dub. 13. Tandem sciendum est, hanc
canonicam portionem esse deducendam ex omni-
bus illis rebus, quæ obveniunt Ecclesiæ ratione fu-
neris, seu de omnibus oblationibus, quæ offerun-
tur in die sepultura, ut declaravit Pius V. in con-
stitutione quæ incipit *Esi mendicantium*. Item
ex omnibus legatis pia ipsi Ecclesiæ relictis, cap. 1.
cap. in nostra, hoc titulo. Debetur similiter de ce-
reis, & candelis, quæ circa corpus deferuntur, de
Missis in testamento assignatis, de armis, palliis,
& aliis ornamentis, quæ in feretro deferuntur: tan-
dem de omnibus funeralibus, quæ in prima, septi-
ma, nona, aut trigesima die ad Ecclesiam sepulturæ
occasione deferuntur, quæ nos vulgo dicimus ofren-
das, ut latius prosequuntur Trullench, & Barbola
ubi suprà.

Quibus ita animadversis ratio presentis affe-
ctionis, seu quare hæc canonica portio Parocho
praefatur, ex eo provenit, quia qui fuerunt socii
parochiæ, debent esse & consolationum, juxta
Apostolum 2. ad Corinthios, cap. 1. Sed Paro-
chus sustinet onus celebrandi divina officia, &
administrandi sacramenta propriis parochianis, dum
vivunt, cap. 2. de parochiis: unde iustum est, ut
Parochus per electionem sepulturæ in alia Ecclesia
debitis non fraudetur obsequiis; cum ille qui alta-
ri servit, de altari vivere debet, cap. cum secundum
de probend. Rechè ergo ab Ecclesiæ Patri-
bus statutum fuit, ut de legatis relictis Ecclesiæ,
ubi pa. ochiani sepeliuntur, certa portio Parocho
præfatur. Fulcitur haec decideri ratio ex eo,
nam si filius patti, & libertus patrono tenentur
aliquam portionem bonorum illis relinquere in
recognitionem obsequii, l. nam es, ff. de in-
offic. princip. Infr. de success. libert. parochia-
næ etiam, qui filii dicuntur sacerdotum, à quibus
sacramenta accipiunt, cap. 9. cum duabus se-
quent. 30. quæst. 1. debent alitem ex illis bonis,
quæ pro salute animatum suarum relinquunt,
aliquam portionem illis prestatæ, videlicet
quartam, quæ portio in aliis testamentariis dis-
positionibus semper taxata fuit, ut in legitima fi-
lio relinquenda, l. Papinianus, §. de quarta. ff.
de inoffic. in portione ex legatis pro herede de-
ducenda, l. 1. ff. ad leg. Falcid. in portione ex
fideicommissis detrahenda, l. 1. ff. ad Trubel. in
portione filio adrogato à pare prestatâ, l. fi-
nali, ff. si quid in fraudem patroni; de quibus
agit Wiesbach. dispensat. 24. in quadriga quar-
tarum. Rechè ergo Urbanus III. in presenti por-
tionem illam parochæ præstantem ex relictis a de-
functo pro salute anime sue, quartam partem pre-
scripsit.

Nec obstant difficultates suprà pro dubitan-
di ratione adducet. Non prima, nam licet ve-
dissimiliter, testatorem posse pro libito disponere tur-
bitande omnibus rebus suis, tamen portio canonica,
quæ parochio praefatur, non impedit hanc libe-
ram dispositionem; quia non ex omnibus lega-
tis à testatore relictis detrahitur, sed tantum
ex relictis occasione sepulturae: & licet legata
pia non patiantur deductionem legis Falcidæ,
id procedit ob specialem pietatis rationem, quæ
non militat in hac deductione portionis canonicae,
quaæ æqualiter pia est. Nec obstant secunda
difficultas deducta ex dñl. cap. de quarta, cap.
conquerente, ubi portio hæc spectat ad Episcopum.
Nam omnis solutione Beroii in cap. Ray-
natus, num. 165. de testam. qui existimat prædi-
cta jura procedere quando Episcopus præcipit

quartam portionem in aliqua parochia contra parochum ; & omisâ aliâ solutione Nicolai Lemaitre de juribus Episcoporum lib. 2. cap. ult. quam retuli in cap. offici, de testam. dicendum est quam Cironio ad titulum de testam. & de offici. Ordinarii, olim Episcopo debitam quartam portionem ex omnibus oblationibus factis Ecclesiis, & monasteriis sibi subjectis, & ex aliis piis conventionibus: que canonica portio diversa est à quarta parochiali, de qua in praesenti agitur. Nec obstat, quod de vetricali defunctis non imponendo dicebamus; nam hac portio non tam debetur ab ipsis defunctis, quam ab Ecclesia, ubi eligunt sepulturam, ex rationibus supra ad ductis.

9. Adhuc praesenti assertioni obstat textus in Exposito nos 3. de testam. ubi refertur, quod quidam cum ultimum elogium conderet, & uxorem ha redem institueret, jussit monasterium ex bonis suis construi: & cum uxor neglexisset exequi mariti voluntatem, jubet Gregorius, ut monasterium construatur, & omnia illi relicta sine diminutione assignentur. Ex quibus ultimis verbis aperte deducitur, ex legatis piis monasterio relictis, nullam portionem parochio deberi, aut præstari; siquidem omnia sine diminutione illi solvi jubentur. Cui difficultati satisfaciendum est afferendo, in eo textu nullum legatum relatum fuisse funeris, aut sepulturae causâ, nec ex legato reliquo pro construendo monasterio, seu oratorio quartam portionem deberi, cap. fin. de testam. docet Fragolo de regim. Christ. Reip. lib. 10. disput. 23. §. 4. num. 38. Unde cum nullum legatum in eo texu relatum esset sepulta rca causa, idèo deductio portionis canonica locum non haberet.

10. Secundo obstat textus in cap. in nostra, hoc tit. ubi in gravi controversia inter Rectorem Ecclesie parochialis, & Fratres Hospitalarios super deductione hujus portionis agitata, deciditur, ut si aliquis apud ipsis Hospitalarios eligat sepulturam; quarta ex oblationibus occasione funeris factis illi Parochio solvatur, ex cuius Ecclesia corpus extraehitur. Igitur canonica portio non debetur Ecclesie parochiali, ubi defunctus recipiebat sacramenta, sed Ecclesia in qua debeat testator. Etiam difficilis est textus ille, dum docet indistincte ex oblationibus occasione funeris factis, quartam esse deducendum, si quidem ex reliquo pro anniversario, seu sacrificio offerendis die 7. 9. aut 30. portio canonica non deducitur, cap. final. de testam. Igitur non recte in eo textu generaliter deducitur canonica portio ex oblationibus funeris causâ factis. Prima difficultati respondentium est cum Bafilio lib. 5. de matrim. cap. 5. afferendo ex illis verbis, de ius parochia corpora extrahantur, non deduci, portionem canonicanam non deberi Ecclesie ubi defunctus Sacramenta recipiebat; nam verba illa frequenter in jure important parochiam domicili, ubi defunctus divina officia audiebat, & Sacramenta recipiebat, cap. certificari, hoc tit. Accedit, nam verba illa apponuntur in facti narratione; at verò in decisione Pontifex exprefse jubet, quartam portionem præstari Ecclesie parochiali. Secunda difficultati satisfacit Hostiensis in eo textu, num. 6. dum afferit, ex his, que relinquuntur pro anniversaria die, vel 7. 9. aut 30. quartam canonicanam non deduci, ex dicto cap. final. de testam. ex oblationibus vero factis

in ipso Missæ sacrificio quartam portionem deduci, ex dicto cap. in nostra.

Ex supra traditis exponendus est textus in cap. certificari 9. hoc tit. ubi cum consultus fuis. Exponit Clemens III. quomodo accipi debeant verba illa, Salva iustitia, que adjici solent in literis Pontificis, quibus conceditur monachis, aut in religiosis personis admittere ad sepulturam alienos parochianos in suis Ecclesiis eam eligentes. Respondeat, respectu quota patris varia præcessorum suorum emanasse decreta; siquidem Leo III. relatus in cap. 1. hoc tit. tertiam partem esse solvendam statuit: at verò Urbanus in praesenti, quartam deducendam esse censuit, & ita portionem illam esse solvendam, qua ex consuetudine regionis attenta solvi consueverat. Qui textus difficilis est in illis verbis, Salvâ iustitâ Ecclesiârûm; in quibus, quid per iustitiam Ecclesiârûm intelligatur, non exprimitur; & si pro portione parochio debita ex mortuatis apponuntur, quomodo consuetudo aliquid immutare, seu minuere potest? siquidem quod potest fieri consuetudine, potest fieri præscriptione: sed præscriptione non admittitur contra quartam portionem, cap. de quarta, de præscript. ergo nec consuetudo. Pro cuius textus expositione sciendum est, jure communi attento, similes personas regulares non posse recipere fideles ad sepulturam in suis Ecclesiis, ut probavi in cap. 3. hoc tit. unde privilegia impetrabant a Romano Pontifice, ut illis liceret corpora defunctorum in propriis Ecclesiis tumulare, cap. in nostra, hoc tit. cap. 1. de paclis lib. 6. plura Bruno Chalisaing, ubi supra; & in eis frequenter adjicetur claufula illa, Salvâ iustitâ Ecclesiârûm; elegantissimo, & ratione: nam sicut exequi defunctorum appellantur justa, inde justa facere, & justa perfolvere. Ovidius lib. 2. Fastorum.

Hanc quia justa ferunt, dixerit feralia lucem. Cicero lib. 2. de legibus, Arnobius lib. 1. adversantes, illustrant Gutherus lib. 2. de jure manuum, cap. 2. Spondanus de cemeteriis lib. 1. p. 1. cap. 8. num. 1. & lucretius indictus tempore mortis, jullitium appellatur. Cassiodorus lib. 2. variar. epist. 3. ibi: Indictio iustitiae juvenis nobilitate commendabilis. Gregorius Tuto, lib. 6. cap. 30. ibi: Igitur celebrato iustitio. Illustrant Savarus ad Sidonium in lib. 2. epist. 8. Gutherus lib. 3. de jure manuum, cap. 29. Sophranus de funere Hebraeorum, cap. 12. de publico iustitia. Sic similiter portio, que debetur ex reliquo occasione funeris, jullitum dicitur in epistola Gofridi Vindocinensis Abbatis, & apud Carnotensem ibi: Panperum corpora, si in sepulta remanerent pro Ecclesia iustitia, non ideo minus haberent de gloria. Innocentius III. lib. 1. regestr. epist. 219. ad Decanum Plyssipon. ibi: Recepta à Templariis iustitiae legitimâ cauzione. In eo ergo sensu iustitiae Ecclesie accepta in prædictis privilegiis, recte ait Clemens III. portionem illam consuetudine mutari, & tolli posse, quia licet præscriptione circa quartam Episcopo debitam non admittatur, quia ea debetur ratione obedientiæ, seu subjectionis, ut in dicto cap. de quarta, probavi; at verò portio parochio debita præstatur in remuneracione laboris ab ipso imperi in administratione Sacramentorum.

Tandem supra traditus obstat textus in cap. 12. cum liberum 6. hoc tit. ubi cum testator dimisit. testelli. Ecclesie parochiali, in alia eligeret sepulturam, gius cap. 12. nulla portio canonica præstatur Parochio, sed lib. 12. omnia

rum 6. omnia, qua funeris causâ relicta fuerunt, Ecclesie, ubi cadaver sepultum fuit, præstantur: ergo quia nulla portio ex relictis sepulturae causâ parochio debetur. Cui difficultati, omisâ glossâ in presenti, dicendum est textum illum procedere eo casu, quo resator in ultima voluntate apud aliam Ecclesiâ dimisâ parochiali, ex devotione jussit se sepeliri, & clerici parochialis Ecclesiæ corpus ipsius violenter rapuerunt, & in sua sepelierunt Ecclesiâ; quo casu coguntur cadaver, & omnia sepulturae causâ ab eis occupata integre restituere Ecclesiæ, ubi testator elegit sepulturam: nec eo casu deducere pos-

sunt canoniam portionem, quam amiserunt propter violentiam circa ipsam sepulturam commissam, argumento textus in cap. *cum qui de prebend.* lib. 6. l. extat. ff. de eo quod metus, l. licitatio, §. quod illicet, ff. de publicans: nam qui irruendo aliquid occupat, etiam si ipsius sit, causa sua patitur jastram, cap. *placuit 16. q. 6.* & illud quod quis habet, amittit, si improba temeritate assunxit, cap. *sc. docet 25. q. 2.* Cum ergo in ejus textus specie clerici violenter corpus illud rapuerint, ut in eo, in quo peccarunt, puniantur, jubentur illud restituere cum omnibus rebus occasione funeris acquisitis.

C A P U T I X.

(a) Clemens III.

Certificari voluisti à nobis, quomodo illa clausula, quæ in privilegiis nostris apponide salva iustitia solet illarum Ecclesiârum, à quibus mortuorum corpora assumuntur, intelligi debeat, & exponi. Cum autem super hoc articulo diversa antecessorum nostrorum manaverint instituta, (b) Leone iustitiam illam aliquando (c) tertiam partem, quandoqueverò (d) medium partem; & (e) Urbano III. quartam fore censem: nostale præbemus in hac varietate responsum, ut, sicut Hieronymus inquit, unaquæque provincia in suo tensu abundet, secundum rationabilem confuerudinem regionis, illa iustitia circa medietatem, vel tertiam, aut quartam partem pro locorum diversitatibus attendatur.

N O T A.

(a) **Clement. III.**] Ita etiam legitur in secunda collectione, sub hoc tit. cap. 3. nullibi tamen exprimitur, cui rescribat Pontifex.

(b) *Leone.*] In cap. 1. hoc titulo.
 (c) *Tertiam.*] In cap. in nostra; hoc tit.
 (d) *Medium.*] In cap. 2. hoc tit.
 (e) *Urbanus.*] Relatus in cap. antecedenti, ubi numero ultimo textum hunc exposui.

C A P U T X.

Innocent. III. (a) Episcopo Claremont. & Abbatii (b) Maurien.

In nostra præsentia constitutis dil. fil. Priore Ecclesiæ (c) Montis-Ferrandi, & B. procuratore Hospitaliorum Claromont dicec. ven. f. n. Sabinen. Episcopum concessimus auditorem, coram quo idem Prior proposuit, quod prædicti Hospitalarii parochianos suos admittunt ad Ecclesiastica Sacra menta; & tam (d) excommunicatos, quæ interdictos, & quosdam alios, videlicet W. de Maceris, & filium I. de Ventador infra annos legitos (e) constitutos, receperunt ad ecclesiasticam sepulturam, propterea Ecclesia eadem damnum sustinuit plusquam V. millium solidorum: quare idem Prior humiliter supplicavit, ut ipsi Hospitalarii interdicteremus, ne de cætero talia in ejus præjudicium attentarent, & ad refacienda damnam, quæ exinde sustinuit, eos compellere dignaremur. Econtra prædictus proposuit procurator, quod tam ex privilegio, quæ ex indulgentia speciali, licet Hospitalarii omnes paßim, præter excommunicatos, & interdictos, ad ecclesiasticam recipere sepulturam, qui apud illos elegerint sepeliri: fidei quoque commissa ultimâ voluntate relicta possunt licenter accipere, solutâ tantummodo quartâ parochiali Ecclesiæ, de cuius parochia mortuorum corpora assumuntur, præterquam de equis, & armis, quæ indulta sunt ipsis in subdium Terra sanctæ, de quibus quartam deducere non tenentur. Cum igitur haec, & alia, quæ coram ipso fuere proposita, idem nobis fideliter retulisset, auditis & intellectis attestacionibus, & allegationibus universis, de consilio fratrum nostrorum talem duximus sententiam proferendam, quod prædicti Hospitalarii de cætero non recipiant parochianos Ecclesiæ supradictæ ad ecclesiasticam sepulturam, nisi apud eos elegerint sepeliri; & tunc parochialis Ecclesia de oblationibus, lectis, & aliis, quæ defunctus pro anima sua in ultima dispositione reliquit, præterquam do equis,